

فيديو # ١٦٥ من مقاطع حظر التجول تدبر سورة المجادلة # ١ الآلية ٤-١

فاضل سليمان

السلام عليكم ورحمة الله وبركاته. اهلا بحضراتكم في المقطع رقم خمسة وعشرين من مقاطع حظر التجول وفي الحلقة الاولى من حلقات تدبر سورة المجادلة آآ هنبدأ الليلة تدبر سورة المجادلة باذن الله - 00:00:01

وبانتهاء المجادلة يعني غالبا كمان تلات تيام هنكون ختمنا بفضل الله آآ تمنتasher جزء وبعد ذلك نبدأ الجزء رقم تسعة عشر مع بداية سورة الحشر ونختمه مع نهاية سورة الملك. باذن الله ان كنا من اهل الدنيا - 00:00:28

نبدأ سورة المجادلة. سورة المجادلة سورة مدنية عدد اياتها اتنين وعشرين اية ترتيبها في المصحف رقم تمانية وخمسين نزلت في اخر تلات سنوات في المدينة يعني في اواخر العهد المدني - 00:00:52

مشهورة بانها الصورة الوحيدة في القرآن اللي تردد فيها لفظ الجلالة لفظ الجلالة يعني الله كلمة الله في كل اية على الاقل مرة واحدة. يعني في ايات جه تلات مرات. واكتر كمان - 00:01:12

آآ تسمى سورة المجادلة لورود قصة المجادلة اللي حصلت بين النبي صلى الله عليه وسلم والمرأة المجادلة اللي جت تعرض عليه امرها مع زوجها ومشكلتها مع زوجها وتسمى سورة المجادلة - 00:01:32

نسبة الى المرأة التي سمع الله جدالها مع النبي صلى الله عليه وسلم وهي خولة بنت ثعلبة او خويل او جميلة. التلات اسماء وردوا وتسمى ايضا سورة قد سمع من باب تسمية الصور باول كلمات فيها - 00:01:57

زي ما قلنا كده يا كل الصور تسمى باول كلماتها مسلا سورة الاسراء تسمى سورة سبحان اه وهكذا وسميت ايضا سورة الظهار. وهذا اسم مش مشهور لكنه موجود كان في مصحف ابي ابن كعب - 00:02:19

اشهر الاسماء هي المجادلة والمجادلة وقد سمع سبب نزولها ان كان فيه طريقة لانهاء الزواج عند اليهود اسمها الظهار وبالتالي عرب يترتب وما حولها كانوا بيمارسوا الطريقة دي في انهاء الزواج - 00:02:34

لكنها الطريقة آآ الراديكلالية شوية في نهاية الزواج اللي هي لو حد ظاهر من زوجته تحرم عليه الى الابد. يعني الطلاق ممكן مرة واثنين وتلاتة ولو اتجوزت هي ممكן يرجع يتجوزها تاني زوجها الاولاني لكن الظهار تحريم مؤبد - 00:03:00

وهي ان الرجل يشبه الزوجته بامه فيقول لها انت علي كظهر امي فتحرم عليه الى الابد في المدينة بعض الصحابة يقال ان بعض الصحابة استخدمو الظهار وحكم النبي عليهم ان ده اللي كان ساري - 00:03:22

ان زوجاتهم تحرم عليهم. كان الشرع بيقر يعني مش بيقرها كطريقة اسلامية. ولكن لو حد عمل كده خلاص بيعتبر الشرع ان زوجته حرمت عليه المهم هذه المرأة جاءت تشتكى من زوجها - 00:03:39

اللي ظاهر منها وكانت بتتكلم النبي عليه الصلاة والسلام بصوت منخفض كما روت السيدة عائشة السيدة عائشة رضي الله عنها بتقول تبارك الذي وسع سمعه كل شيء اني لاسمع كلام خولة بنت ثعلبة - 00:03:55

ويخفى علي بعضى. يعني كنت في كلام باسمه وكلام ما باسموش وقاعد معه في نفس الاوضة. عشان هي كانت قاعدة جنب النبي صلى الله عليه وسلم وبتوشوشة. مش عايزه حد يسمع مش عايز - 00:04:17

ما كانش الكلام واصل لها يعني السيدة عائشة مع نفس المرأة وفي نفس المكان وصوتها واطي ومش سامعة كلامها فبتقول سبحان

الله السميع اللي سمعها ده بيربطنا بايه ؟ باول سورة الحديد - 00:04:27

اللي ذكرت فيها اسماء وصفات كثيرة لله سبحانه وتعالى وكأننا في سورة المجادلة هنشوف تطبيق عملي لهذه الاسماء والصفات اللي وردت في سورة الحديد فهمتم؟ يعني في المجادلة هنشوف التطبيق العملي للاسماء والصفات بتاعة ربنا. هنشوف اسماء ربنا وصفاته بتنزل على ارض الواقع. وتصير افعال. طيب - 00:04:43

القصة هي ان هذه المرأة جاءت الى النبي صلى الله عليه وسلم وقالت له زوجي ظهر مني يعني قال لها انت عليك ظهر امي هو اللي حصل ان هي استفزته - 00:05:12

وهو راح ايه يعني بخر خفيف شوية راح ايه راح قال لها انت عليك ظهر امي وقال النبي صلى الله عليه وسلم قد حرمتي عليه خلاص حرمتي عليه - 00:05:23

قالت ده انا ما ليش غيره وهو ابو ولادي وانا ما بحبش حد في الدنيا قده قال النبي صلى الله عليه وسلم قد حرمتي عليه قالت له ده عندي اولاد لو ضميتهم له هيضيعوا. مش هيعرف يربىهم - 00:05:34

ولو ضميتهم لي هيجوعوا مش هلاقي فلوسي الكلهم وقال النبي صلى الله عليه وسلم قد حرمتي عليه. يعني انت اصلا وصلتم لكده ليه؟ ما ما تجوش تعملوا المصيبة وتيجوا تقولوا للشرع يحلها لكم. هيحلها لكم - 00:05:50

ازاي يحلها طبعا اللي حصل قلت لكم هي استفزته وهو اللي ورد عنه في كتب السبirs انه كان به خفة. به خفة يعني خفيف مش تقبل. يعني مندفع رامي علي كلمة الزهار على طول. زي مسلا اللي بيرمي على مراته يقولها ايه ؟ انت طالق بالثلاثة مسلا. نفس الخفة - 00:06:05

كون النبي عليه الصلاة والسلام يقول لها اربع مرات قد حرمتي عليه. اذا ده كان الحكم الشرعي وقتها خلاص المهم قالت للنبي اذا اشكوا الى الله فاقتني ووتجدي اشتكي الى الله الفزع والمصيبة اللي انا فيها دلوقتي. وانا مش لاقي حد يلاقني لي حل يعني ازا كان جاي للنبي عليه الصلاة والسلام ومش لاقي لها حل - 00:06:27

النبي عليه الصلاة والسلام ما قلهاش ما تستكتيش اشتكي يعني اشتكي لربنا لكن هو الحكم الشرعي كده والنبي ما يقدرش يغير الحكم الشرعي. خلص الموضوع فهتفت وشكنت يعني قعدت تنادي ربها وتشكو حالها - 00:06:51

وهي في هذه الحالة تزيد وجه النبي صلى الله عليه وسلم. يعني جات له الحالة اللي بتجي له لما الوحي ينزل على قلبه ونزلت اول اربع ايات من سورة المجادلة - 00:07:09

اقرا معى بقى اعوذ بالله السميع العليم من الشيطان الرجيم. بسم الله الرحمن الرحيم قد سمع الله قول التي تجادلك في زوجها وتشتكى الى الله والله يسمع تحاوركم. ان الله سميع بصير - 00:07:23

الذين يظاهرون منكم من نسائهم وهن امهاتهم الا اللائي ولدنهن. وانهم ليقولون اكرم من القول وزورا والذين يظاهرون من نسائهم ثم يعودون لما قالوا فتحرر رقبة فتحرر رقبة من قبل ان - 00:07:52

ذلكم توعظون به. والله بما تعملون خبير فمن لم يجد فصيام شهرين متتابعين من قبل ان يتماسى فمن لم يستطع فاطعام ستين مسكينا ذلك لتؤمنوا بالله ورسوله وتلك حدود الله وللكافرين عذاب - 00:08:44

دي هي ايات الحلقة الليلة ده يرجعنا لاول سورة الحديد اللي ورد فيها اسماء وصفات الله وكأننا بنشووف التطبيق العملي بتاع الاسماء والصفات اللي جت في سورة الحديد وطبق بقى في سورة المجادلة - 00:09:17

بنشووف اسماء الله بتنزل على ارض الواقع ربنا سمع كلام المرأة والسيدة عائشة في نفس الغرفة مش سامعاها اصلا ربنا سامع كلامها ربنا يستجيب للمرأة وينسخ حكم شرعى من اجلها هي واولادها - 00:09:38

ربنا يسمع شكوى الانسان بعد ما انقطعت به السبل. وعجز الناس كلهم عن مساعدته يسمع الدعاء ويجيب اول سورة الحديد ورد فيها الاسماء والصفات التالية اقرا معى اول اربع ايات في سورة الحديد - 00:09:55

سبح لله ما في السماوات والارض وهو العزيز. من الذي اعز هذه المرأة رايحة عماله تطلب وعماله تتسللوا الاعزاء من كان يريد العزة

فلله العزة جميما الحكيم وهو العزيز الحكيم. تجلت الحكمة الالهية وتغير الشرع الى ما فيه مصلحة الانسان - 00:10:15

له ملك السموات والارض يحيي ويميت وهو على كل شيء قادر والاول والآخر والظاهر والباطن وهو بكل شيء علیم هو الذي خلق السموات والارض في ستة ايام ثم استوى على العرش يعلم ما يلتج في الارض وما يخرج منها وما ينزل من السماء وما يعرج فيها.

دعا - 00:10:43

بنت ثعلبة كان يبعرق في السماء ايضا وهو معكم اينما كنتم. كان مع خولة وهي تشكو الى النبي صلی الله عليه وسلم وكان اقرب اليها من حبل الوريد. كان اقرب اليها من السيدة عائشة اللي في نفس الغرفة ومش سامعة كلامها - 00:11:16

والله بما تعلمون بصير ربنا سميع. ربنا مجيب الدعاء. المهم بعد كده زوجها راح للنبي عليه الصلاة والسلام وقال له النبي عليه الصلاة والسلام لامه عاته قال له ما حملك على ما صنعت؟ انت ايه اللي انت عملته ده - 00:11:31

فالراجل قال الشيطان فهل من رخصة هنعرف نعمل حاجة؟ الشيطان عمل في كده يعني زقني وزوني وقال النبي صلی الله عليه وسلم نعم وقرأ عليه الاربع ايات الايات الاربعة الاولى من سورة - 00:11:53

المجادلة اللي بتقول خلاص مش يرجعها بس يعتق رقبة هل تستطيع العتق قال لا والله انا عندي عبيد ولا بداع اننا راجل غلبان طب ما اذا ان لم يجد بيقي - 00:12:10

يصوم آستين يوم متتاليين شهرين متتابعين. عايز اقول لكم على حاجة اه الاستين يوم دول انا جربتهم على فكرة. لما حصل كده حادسه زمان وصمت الاستين يوم. كانت في الكفاره - 00:12:28

لو واحد فطر في اليوم الاستين لازم يعيده كله من الاول تاني هزار ما فيش هزار في الكفاره هل تستطيع الصوم؟ قال لا والله لولا اني ده انا بقى له ده انا باكل في اليوم مرة او مرتين لكل بصرى ولظننت اني اموت. يبدو ان هو كان عنده السكر. ولما السكر بيقل عنيه بتزغلل - 00:12:43

فيبيضرط ياكل مرتين على الاقل في اليوم عشان عشان السكر بتعاه يعني يكون مظبوط او حاجة وقال له هل تستطيع ان تطعم ستين مسكينا لا والله يا رسول الله الا ان تعينني منك بصدقه - 00:13:06

واعانه النبي بخمستاشر صاع واصرخ اوس هو اسمه اوس بن الصامت. على فكرة ده اخوه عبادة ابن الصامت عودة ابن الصمت اخوه ده من اكبر واجل الصحابة من من اول خمسة اسلموا في الانصار. اسلم في العقبة الاولى - 00:13:21

بس ده اخوه بقى اخوه بس ما كانش زيده يعني خفيف شوية او ساخراج ما عنده والنبي ادى له وراحوا اطعموا ستين مسكين وكده خلص الموضوع سؤال بقى والنبي بيلوم الراجل ليه - 00:13:37

طالما اللي عمله حاجة موجودة في الشرح ليه قال له ما حملك على ما صنعت ولو واحد طلق مراته ما انت برضو النبي ممكن يقول له ما حملك على ما صنعت والشرع بيسمح - 00:13:54

اذا مش كل حاجة الشرع بيسمح بها يعني هي حاجة كوييس ان احنا نعملها الشرع بيسمح باشياء ممكن تكون فيها مفسدة عشان يتفادى مفسدة اكبر. الطلاق مسلا ما هو الطلاق وانهاء الزواج ما هو ما فيش حاجة كويسة. هو مفسدة. لكن - 00:14:10

قد يكون هو الحل لتفادي مفسدة اكبر. يكون هو الحل بدل ما تحصل مصيبة. خلاص اتنين مش عارفين يعيشوا مع بعض خلاص وحاولنا كتير نصلح بينهم وما فيش فايدة وطول النهار بيتخانقوا وطول ما صوتهم عالي قبل ما حد يرمي الثاني من الشباك خلاص يطلقوا. يعني لكن مش بالضرورة ان عشان ربنا بيسمح بالطلاق كلنا - 00:14:30

اذا النبي صلی الله عليه وسلم ناموا على شيء كان وقتها شرعا ممكن يتعمل لكن في نفس الوقت مش لازم الناس تتسرع في مسألة انهاء الزواج. خاصة لو فيه اطفال يعني - 00:14:50

طيب عايز اقول لكم على حاجة على فكرة. يعني انا قلت لكم اخوه عبادة ابن الصامت. عبادة ابن الصامت زوجته بقى امه حرام بنت ملحان انا زرت قبرها في قبرص - 00:15:02

وهناك المسيحيين بيزوروا ابرار ويولعوا لها شمع وبيسموها قبر المرأة الصالحة دي دي كانت اول من ركب في الجهاد ركبت البحر.

في الجهاد ودفنت في قبرص طيب اه - 00:15:19

برضو انا عايز اتوقف عند وصف كتب السيرة لاؤس ابن آآ ابن الصامت رضي الله عنه ده صاحبي بانه كان به خفة يعني الراجل مش لازم يكون خفيف احيانا يا جماعة النساء بيطروا الطلاق بعاطفة وباندفاع علشان كرامتهم - 00:15:36

وممكن تستفز زوجة تقول له لو الراجل طلقني المفروض يقول لها انا راجل بس مش هطلقك ما يستسلمش للاستفزاز ده خالص الزواج والطلاق دي علاقات بتبني بيوت واسر وبتهد بيوت واسر بكلمة الانسان بيتجوز وبكلمة الانسان بيطلق لابد - 00:15:54
الكلمة دي تكون محكومة ومحظوظة ورا ميت قفل عشان يتفتح لازم يكون الانسان في كاملوعيه وكامل ادراكه وبعد وكمده.

فالمفروض ان الكلمة ما تكونش نتيجة اندفاع كده تعالوا بقى نشوف الایات - 00:16:15

اقرأ معی الاية الاولی من سورة المجادلة قد سمع الله قول التي تجادلك في زوجها وتشتكي الى الله والله يسمع تحاورکما ان الله سمیع بصیر قد اسمه حرف تشکیک لما یبیجی مع الفعل المضارع یفید الشک - 00:16:30

قد یسمع یعني یمکن یسمع ویمکن لأنما یجی مع الفعل الماضی یفید التأکید والجزم قد سمع یعني خلاص اکید سامعني اقرأ الاية واحد ولاحد لفظ الجلالة هیبیجی کم مرة. کلمة الله یتیجی کم مرة - 00:16:54

قد سمع الله التي تجادلك في زوجها وتشتكي الى الله والله یسمع تحاورکما ان الله سمع اربع مرات في اية قصيرة اللي بیحضرروا دورۃ المعجزة كتاب المعجزة. اللي بیتابع الدكتور احمد باسم ساعی اللي بیشرحه اخونا الشیخ مسلم عبد الله - 00:17:12

هیدرکوا اللي انا باقوله دي من مظاهر التشديد اللغوي. یعنی ایه ؟ یعنی العرب ما بتتكلمش کده الطبيعي ان لفظ الجلالة ما بتكررش اربع مرات ده مش طبيعي في جملة واحدة - 00:17:35

ال الطبيعي ان احنا یعنی یبیجی مرة واحدة وبعد کده نستخدم بده في تاني وتالت ورابع مرة ضمیر بیدل عليه یعنی تبقى کده الاية العرب بتتكلم کده. قد سمع الله قول التي تجادلك في زوجها وتشتكي اليه - 00:17:49

وهو یسمع تحاورکما. انه سمیع بصیر. هو ده اللي العرب اتكلموا لكن قد سمع الله قول التي تجادلك في زوجها وتشتكي الى الله. والله یسمع تحاورکما. ان ان الله سمیع بصیر. لا - 00:18:05

العرب ما بتتكلمش کده طب جرب بقى نشیل اسم الله ونحط اسم انسان وشف هيبقى مقبول في الاذن ولا لأنما نقرأ بالطريقة بتاعة القرآن. هنقول خالد مسلا قد سمع خالد قول التي تجادلك في زوجها وتشتكي الى خالد وخالد یسمع تحاورکما ان خالد قوي السمع وقوی البصر. مش هقدر اقول سمیع بسيط ده - 00:18:21

دي صفة لله يعني ده مش عربي اصلا. ده مش عربي اصلا القرآن مقبولة وحلوة في السمع. هو ده اللي اعجز العرب ان القرآن بنفس الحروف ونفس الالفاظ انه كأنه لغة جديدة ما سمعوهاش قبل کده - 00:18:42

دي اللي بیسمیها دكتور احمد باسم ساعی مظاهر التشديد اللغوي. وقلنا العرب ما كانوا یعرفوا غير حاجتين نوعین من النصوص الشعر وله اوزانه النثر والخطابة اللي هي النثر ما عندهمش غير کده. نزل حاجة تالتة اسمها القرآن مختلفة عن الاتنين. وده الاعجاز اللي فيه - 00:19:07

مش العجاز مش مجرد بلاغة. لا الاعجاز انها لغة جديدة اصلا اقرأ معی الاية اتنین الذين یظاهرون منکم من نسائهم ما هن امهاتهم. ان امهاتهم الا اللائی ولدنهم وانهم ليقولون منکرا من القول وزورا. وان الله لعفو غفور - 00:19:29

الایة تعاتب الناس التي تستخدم الظهار وهو طريقة قلنا متطرفة جدا ومتشددة في انهاء الزواج. لابد دون رجعة وليس كالطلاق وخاصة ان الالفاظ المستخدمة فيه بتزيف الحقيقة. هي مش امک - 00:20:04

اللي انت بتقوله ده منکر يعني کلام مش محترم. يعني کلام مش حقيقي وينهي الاية ان الله لعفو غفور. الله! يعني ایه! يعني مهما كان برضو ما فيش زنب اکبر من ان ربنا یغفره - 00:20:25

ربنا ما ما یقنتکش ابدا من رحمته بعد ما قال لك اللي بيعملوا کده الذين یظاهرون من نسائهم ما هن امهاتهم؟ دول مش امهاتهم من امهاتهم الا الله ولدنهم. اللي ولدنهم بس هم دول امهاتهم - 00:20:40

وانهم لا يقولون منكرا من القول وزورا. ده كلام غلط ومش محترم. وكلام زور يعني كذب مش حقيقي بعد كده يديك ايه؟ يقوم يقوم مغير التون. وان الله لعفو غفور - [00:20:57](#)

كل ما في الموضوع ها تستغروا وتهتكروا عن زنبكم وخلص الموضوع الاية ثلاثة والذين يظاهرون من نسائهم ثم يعودون لما قالوا فتحرير رقبة من قبل ان يتماسى ذلكم توعظون به والله بما تعملون خبير - [00:21:11](#)

اللي يظاهره ثم يرجعوا في كلامهم وعايزين يرجعوا زوجاتهم وزوجاتهم عايزين يرجعوا كل المطلوب يعمله الكفاره. عتق رقبة اذا لم يستطع يصوم ستين يوم متتاليين. اذا لم يستطع يطعم ستين مسكينا - [00:21:37](#)

عشان يتعلم الادب فلازم ما هي شكلها زي ما يكون عقاب اعنى خلية يتعلم الادب ويتعلم يسيطر على اعصابه. ويسيطر على لسانه. وما بيقاش خفيف بعد كده لذلك بعض الفقهاء - [00:21:52](#)

لم يشتربطا الترتيب ده طبعا هو الاصل والترتيب ده. لكن بعض الفقهاء كانوا يشوفوا الاصعب على الشخص اللي قدامهم ايه ويختاروا له الاصعب عشان يتأندب فمر احد الخلفاء الامويين في الاندلس - [00:22:06](#)

ووقع في خطأ وكان لازم يكفر القاضي افتاه انه لازم يصوم ستين يوم قال له طب هات اعمل ستين مسكين قال له لا لا ما ينفعش تصوم ستين يوم ليه اهو - [00:22:24](#)

لانه انسان مرفه وغني ولو اطعم ستين الف مسكين مش هيتأثر ماديا لا لا قالوا انت لازم تصوم عشان يعلموا الادب ادى له الكفاره اللي اتعلموا الادب. اللي تربيه - [00:22:38](#)

دي بقى حاجة مهمة قوي. مسألة عتق رقبة خلاص ما بقتش موجودة بقى وما بقاش في عبيد خلاص الحمد لله وبتاع انسى الكلام ده في اجتهاد فقهي خطير للشيخ علي القرضاوي - [00:22:57](#)

وهو من اعلام الاقتصاد الاسلامي قال لك الناس فاكرة ان عتق رقبة اللي هي في كفارة الظهار كفارة القتل الخطأ وكفارة اليدين كل ده لم يعد موجودا ولا متاحا عشان ما فيش عبيد الحمد لله؟ لا مش صحيح - [00:23:10](#)

انت اذا تبرعت للناس التي تحاول انهاء الاحتلال فانت تعتق رقبة شعب وقال لك هذا الاصل ما زال موجودا عتق رقبة ما زال موجودا طول ما في ناس بتحاول انهاء الاحتلال - [00:23:26](#)

وهدف عقيل كبير فانا بس حبيت انوه عن هذا الامر ده موضوع مهم جدا. طيب. الاية الثالثة بتقول ايه بقى ايه؟ من قبل ان يتماسى ذلكم توعظون به والله بما تعملون خبير. يعني ايه بقى - [00:23:44](#)

يعني قبل ما يؤدي الكفاره ما ينفعش يلمسها خلي بالك مش يلمسها ولا تلمسه. يتماسى على يعني على وزن التفاعل على وزن التفاعل. يعني الاثنين بيعملوا يقربوا من بعض ما ينفعش يقربوا من بعض الاثنين ولا يتماسى ولا يداعبوا بعض ولا حاجة خالص ليه؟ لغاية ما الكفاره تتم - [00:24:00](#)

والله بما تعملون خبير. او عى تكون فاكر نفسك هتدرك على ربنا مش هتقدر ربنا يعلم كل حاجة انت بتعملها اقرأ بقى الاية اربعة. فمن لم يجد فصيام شهرين متتابعين من قبل ان يتماسى فمن لم يستطع فاطعام ستين مسكينا - [00:24:22](#)

ذلك لتومنوا بالله ورسوله. وتلك حدود الله وللكافرين عذاب اليم خدوا في بالكم ان لما ذكر اطعام المسكين بيتفقال ايه معى كده وفي وسط الاية واطعام ستين مسكينا ذلك لتومنوا بالله ورسوله. ايه دخل الایمان دلوقتي - [00:24:38](#)

طب ما هو اكيد دول يعني اكيد اللي بيدور على الكفاره واحد مؤمن لا الاية دي بتربطك بسورة الحديد تاني اللي ربطت الایمان بالله ورسوله بالانفاق. فاكرين في سورة الحديد - [00:25:04](#)

لما ربنا قال امينوا بالله ورسوله وانفقوا مما جعلكم مستخلفين فيه. فالذين امنوا منكم وانفقوا لهم اجر كبير. سورة الحديد كانت دائما بتربط بين الایمان والانفاق انك اذا اردت ان تعرف ان كان الرجل او ان كنت انت سيبك من الرجل انت راجل ما بتحكمش على حد. انت دور على نفسك. ان كنت انت مؤمن حقا ولا لأ؟ ازا كان ايه - [00:25:20](#)

ايمانك في قلبك قوي ولا ضعيف تعمل ايه اثبت لنفسك ازاي ان ايمانك قوي انفق انفق بسخاء لان المال هو شعار الدنيا. تنفق مش

هتنزل تشتري ببطلونات. لأن تتفق تتفق على المساكين تتفق على على الفقراء - 00:25:45

انفق المال على الفقراء وفي سبيل الله تسليح الجيوش علشان تطمئن الى درجة ايمانك لان المال هو شعار الدنيا صحيح ان اطعام المساكين هنا هو كفارة فالانسان بيضطر يعملها فليه ربنا قال لنا آآآآ في الاية آآآآ اربعة فاطعام ستين مسكيناً ذلك لتومنوا بالله ورسوله. هو الرجال - 00:26:05

كده كده اصلا مضطر يعمل كده عشان يرجع مراته صحيح ان هو كفارة ويضطر يعملها عشان يكره عن زنبه. لكن وهو بيطعم بيسعر بلذة الاطعام. اطعام المساكين. ويشعر اني ليته - 00:26:32

كان يطعهم تطوعا في سبيل الله وليس على سبيل الكفارة. فيعتبر ده نوع من انواع التدريب البخيل على الانفاق ويجي بعد كده بعدها بسنة تلاقيه من نفسه بيطعم مساكين. لانه حب يشعر بلذة الاطعام في سبيل الله. فبرضه هي فيها - 00:26:49

نوع من التدريب. انا عايز اتوقف بقى عند كلمة آآآآ وتلك حدود الله وللكافرين عذاب اليم يعني ان ربنا يسهل لكم الشر وجعل لكم مخرج هنا في الحالة دي للزوجين عشان يرجعوا لبعض - 00:27:09

بدل ما البيت يتهد بسبب عدم النضج بتاع الزوج والزوجة بس دي هي حدود ربنا. ما ينفعش اه اه نتعادها وتلك حدود الله قال لك الحد الشيء هو اخره حد الترابيزة دي هو اخرها ده اسمه الحد بتاعها - 00:27:28

فزي ما بنقول كده بالتعبير بتاعنا المسألة دي خط احمر تلك حدود الله يعني دي خطوط حمرا عند الله ما ينفعش حد يرجع زوجته بعد الظهار من غير ما يكفر على اللي هو عمله. هتبقى هيبيقى عندهم مشكلة كبيرة - 00:27:54

في حدود ربنا هنجد كلمة حدود تأتي في القرآن في اطار المباح او المنهي عنه فربنا ممكن يشرع شيء ويأتي بعدها تلك حدود الله فلا تعدوها فلما ربنا بيبيح شيء يقول لك دي حدود الله ما تعديش عليها ما تعديهاش. ما تزودش عن كده. لكن لما ينهى عن شيء - 00:28:12

يقول لك تلك حدود الله فلا تقربوها. ما تقربوش منها اديكم مسالين مسالا الخلع مسالا ربنا اعجز الخلع وقال في سورة البقرة فلا جناح عليهما فيما افتدت به. انها ترجع له المهر بتاعه وترجع له الهدايا وتقول له طلقني وخلصني منك - 00:28:41

فلا جناح هنا ربنا بيبيح شيء اباحة مش نهي فلا جناح عليهما فيما افتدت به تلك حدود الله فلا تعدوها ومن يتعدى حدود الله فاوئك هم الظالمون تعالوا ناخد مسال تاني بقى - 00:29:03

للنهي يقول لك في مسالا آآ عدم مباشرة الزوج والزوجة اسناء الاعتكاف ولا تباشروهن وانت عاكفون في المساجد تلك حدود الله فلا تقربوها. مش لا تعدوها. لما يكون نهي يبقى لا تقرب. ما تقربش من الحاجة الحرام دي - 00:29:21

خلاص؟ المهم هنا هو انه حدود الله امر مهم جدا ان الناس لا تتجرأ عليه لا تعديها ولا تقربها بناء خطوط حمرا عند ربنا. وتلك حدود الله اسمع وللكافرين عذاب اليم - 00:29:43

من يستبدل حدود الله بحدود اخرى يكفر لانه بيبدلها ليه شاييفها مش مناسبة؟ يعني شايف ان تشريعاتك فيها حكمة اكتر من تشريعات ربنا عندك حكمة اكتر من ربنا؟ كفر على طول. فالموضوع مش مش هيin - 00:30:02

احكام ربنا خطوط حمرا لان احنا عايشين عنده انت لو مقيم في بيت واحد صاحبك صاحبك وقال لك معلش في البيت ده ممنوع التدخين داخل البيت مش هتدخن. يعني مش هيمنع تدخن. طبعا ما حدش فيهم يدخن لكن ما ينفعش خلاص - 00:30:21

اقول لك على حاجة. قال لك مسالا احنا جوة البيت هنا هو كلنا بنقلع الجزمة معلش بنحطها عند الباب. وبينمشي من غير جزم. لازم تسمع الكلام انت في بيته. الله! ما ينفعش لو لبست - 00:30:37

ومشيت جوة ودخلت بها او ضة نومك! انت تعديت على حدود صاحب البيت. انت بقى عايش على ارضه وتحت سماوه وبيشرب وبتاكل من رزقه هيمنع تتعدي حدوده ونتوقف هنا الليلة اللهم انا نسألوك حبك وحب من يحبك وحب كل عمل يقربنا الى حبك - 00:30:47

اللهم ما رزقتنا ما نحب فاجعله قوة لنا فيما تحب وما زويت عنا مما نحب فاجعله فراغا لنا فيما تحب. اللهم اجعل حبك احب اليها من

اهلينا واموالنا من الماء البارد على الظماً - 00:31:08

اللهم حبنا اليك والى ملائكتك وانبيائك ورسلك وعبادك الصالحين. واجعلنا من يحبك ويحبك ولمائتك وانبيائك ورسلك وعبادك الصالحين. اللهم احيي قلوبنا بحبك. واجعلنا لك كما تحب الله اجعلنا نحبك بكل قلوبنا ونرضيك بكل اجسادنا. اللهم اجعل حبنا كله وسعينا كله في مرضاتك - 00:31:25

اللهم اجعل القرآن الكريم ربيع قلوبنا ونور صدورنا وجلاء احزانا وذهاب همومنا وغمومنا ومغفرة ذنبنا. اسأل الله العلي العظيم ان يجعل هذا التدبر في ميزان حسناتي وحسناتكم جميعا اللهم فاطر السماوات والارض عالم الغيب والشهادة انت تحكم بين عبادك فيما كانوا فيه يختلفون. فبحق كل حرف في كتابك تلوناه - 00:31:55

تدبرناه. اكفنا واهلينا واخواننا واحواتنا شر كل من يكيد لنا ولهم. واحفظنا واياهم من شرورهم ونجعلك اللهم وفي نحورهم فانت الوكيل ولا حول ولا قوة الا بك. اللهم بحق كل حرف في كتابك تلوناه او تدبرناه. ايد بنصرك - 00:32:21

مرابطين في الارض المباركة فلسطين اكون مع اخواننا في تركستان وفي الشام وفي كل مكان. وانصر من نصرهم واخذل من خذلهم. وظهر المسجد الاقصى من الدنس فانهم لا يعجزونك اللهم من قضى منا بالوباء المنتشر فاكتبه لها شهادة. ومن كان منا او من احبابنا او من اخواننا او من اخواتنا او من مشايخنا او من علمائنا - 00:32:41

مرضا به او حاما له فالبسه ثوب الصحة والعافية عاجلا غير اجل ومن لم يصب به فقهه شره وابعده عنه. ولا تسلطه الا على اعدائك واعداء دينك واعداء اوليائك اللهم انك تعلم ان هذه القلوب قد اجتمعت على كتابك وعلى محبتك. والتقت يا ربنا على طاعتك - 00:33:04

على دعوتك وتعاهدت على نصرة شريعتك فوثق اللهم رابطتها وادم ودها واهدها سبلها واملأها بنورك الذي لا يحبوا اشرح صدورها بفيض الایمان بك وجميل التوكل عليك. واحييها يا ربنا بمعرفتك. وامتها يا مولانا على الشهادة في سبيلك. انك نعم المولى - 00:33:29

ونعم النصير. والسلام عليكم ورحمة الله وبركاته. ونراكم غدا باذن الله في نفس هذا الموعد ان كنا من اهل الدنيا - 00:33:49